

1. **H. pusilla** (Boiss. Diagn. Ser. I, 7, p. 385 sub *Chondrillâ*), caulibus erectis vel decumbentibus brevibus simplicibus vel furcatis canescentibus vel glabratis interdum parce setulosis, foliis rosulatis obovato-oblongis sinuato-pinnatifidis calcareo-denticulatis glaucescentibus junioribus canescentibus, caulinis 1-2 linearibus basi amplexicauli-subauriculatis sæpe nullis, capitulis 1-5 terminalibus subcorymbosis breviter pedicellatis demum cernuis minutis oblongo-cylindricis 15-20-floris, calyculi phyllis minimis ovato-triangularibus margine membranaceis, involucri canescentis vel glabrati phyllis dorso setosis demum carinatis, acheniis prismaticis inferne subattenuatis ad costas muricatis muricibus versus apicem sensim auctis, marginalibus apice breviter mucronatis epapposis internis in rostrum tenue eis $1\frac{1}{2}$ -2-plo longius abeuntibus ☉. *Barckhausia leucocephala*, *B. chætocephala* et *B. melanocephala* Bge Pl. Lehm. p. 384 et 385!

Hab. in arenosis Persiæ australis (Ky. 856!), prope Ispahan (Auch. 4871!), montes prope Jezd (Buhse!), Persia media ad Ssertschah et borealis prope Schahrud (Bge!), Turkestanica (Lehm!).

Caules 2-3-pollicares, folia radicalia 1-1½-pollicaria, capitula fructifera 4 lineas longa.

2. **H. Stocksiana**, caulibus ascendentibus vel decumbentibus simplicibus vel parce furcatis superne canescentibus, foliis rosulatis glaucis pulverulento-canescens oblongo-lanceolatis in lobos breviter triangulares acutos subruncinatim pinnatifidis basi attenuatis, caulinis 1-2 anguste linearibus basi semiamplexicaulibus, capitulis terminalibus 2-4 breviter pedicellatis demum cernuis oblongo-cylindricis 15-20-floris, calyculi phyllis membranaceis ovato-triangularibus minimis, involucri canescentis vel glabri phyllis dorso setosis, acheniis externis teretibus quinesulcatis lævibus superne sensim attenuatis erostribus pappi setis paucis sessilibus coronatis, cæteris prismaticis ad costas acutas superne præsertim muricatis in rostrum tenue eis duplo longius abeuntibus ☉.

Hab. in Belutschîâ (Stocks!).

Caules tenues 4-6-pollicares, folia radicalia 2-2½-pollicaria, capitula fructifera 4 lineas longa.

WILLEMETIA (Neck. El. Bot. I, p. 50).

Capitulum multiflorum. Involucrum biseriale. Receptaculum nudum. Achenia conformia cylindræo-prismatica undique vel superne tantum tuberculato-rugosa, longe rostrata ad rostri basin coronulâ squamis 5 erecto-conniventibus constante obsita. Pappus pilosus. — Herbæ perennes facie *Apargiæ*. — Genus *Chondrillæ* affine sed habitu diversissimum.

1. **W. apargioides** (Willd. Sp. III, p. 1594 sub *Crepide*) rhi-